



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



O imetsa Basotho

2

E ntlafatsa likhoebo

7



O HLAPA MATSOHO



Access Our Books on Akello Library!

Explore a wide range of our books anytime, anywhere. Visit Akello Library today and start reading!

#ReadAnywhere #AkelloLibrary #ExploreMore



<https://library.akello.co/downloads>

Follow the link

MOELETSI**Ho tla ba joang na?****'Muso o imetsa Basotho**

Motho h'a le tsietsing haholo ea tlhoko ea mosebetsi, o bolelisa ka moo a ka amohelang mosebetsing o teng feela. Le lengolong la hae la kopo ea mosebetsi o bontša a tla etsa mosebetsi ka bokhabane, a bile a tla sebetsa tlasa maemo afe kapa afe. Empa tse na tsohle li'a fetoha hang hore a be kahara tšebetso; khopi e rahoa ke monono. O sa qalella ho etsa lintho tse hlokisang mosebetsi seriti kapa hona ho thunthetsa litšebeliso. O buisa sechaba seo a lokelang ho se fa litšebeliso mantsoe a bohla. Taba ea baoki ba sa faneng ka litšebeliso ke taba ea khale haholo, empa ho bonahala e ntse e itsoellapele le mehlang ena. Ke maamong afe moo motho ea fuoang litlhare tsa bophelo bohle a ka khutlisoang? Ana ha se bona baoki ba lokelang ho khothaletsa mokuli eo ho se emise kapa ho tloisa matsatsi? Hoa makatsa ruri hore ebe ke bona ba mo sitisang ho li noa.

Sepetlele se seng kahar'a naha ho teng moo mokuli a tinngoenng litlhare tsa bophelo bohle ka lebaka la phoso e entsoeng ke ngaka e ngotseng letsatsi le fosahetseng bukaneng. Le leng la mabaka ke hore o sebelisa buka eo e seng bukana ea ngaka, eo a hlalolang a e sebelisitse hobane ea hae e felile 'me moo a neng a le hona teng ho ne ho se libukana. Joale o sa ntsa olosoa joaloka mabele a isoa holimo le tlaase ka likhoboso tse ngata sepetlele. E mong le e mong o ntša mabinabane a pelo ea hae. Baoki ke lona ba fuoeng boikarabello ba ho bona hore bophelo ba sechaba bo sireletsehile, ha le kena tšebetsong le entse kano ea ho beha bophelo bo botle ba sechaba kapele ho tsohle, joale hobane'ng le batla re le hopotse mosebetsi oa lona? Molula-Setulo oa Komiti ea Paramente ea Boiketlo ba Sechaba o re mosebetsi oo o hloka lerato ka hona motho ea utloang eka oa hloleha a itokolle.

Letona la Lichelete le Ntšetsopele le sa tsoa teka kapel'a Ntlo ea Bakhethoa nyollo ea Lekhethe la Theko ka linoko tse 0.5. Bohanyetsi bo ile ba e-ba khahlanong le setšoantšo sena sa molao, hoo ho ileng ba lokeloa ho etsoa lifoutu eaba 'muso oa hlola. Lebaka la bohanyetsi ke hore ha joale Basotho ba se ntse ba phela kahara tlala e kholo, bongata ba bona ha ba sebetse le ba sebetse ba fumana moputso e sa pheliseng hakaalo. Ka hona ho nyolla lekhetho ho tlo imetsa ba se ntse ba kolla ntsi hanong ho feta, ka lebaka leo ho etsa joalo ke ho bolaea sechaba ka matsoho. Letona le fane ka mabaka a hore eona chelete eo e tl'o thusa ntlheng ea lintlafatso, ho thehela bacha mesebetsi, ho nyolla litsieane tsa batho ba eang phomolong le ho thusa batho ba nang le bokooa. Lintlha tsa batho bana li shebahala li utloahala ka bobeli, ka hoo ho se ho tla tsoa hore na uena u utloa e nang le moelelo kapa e hlokahalang ho feta e 'ngoe ke efe.

Mongoli e Moholo Lekaleng la Matla o ile a mema baphatlalatsi ba litaba, eaba o intša litabeng ka ho fana ka bopaki mabapi le tšebetso ea lifeme tsa Ha Belo tse Seterekeng sa Butha-Buthe le kabo ea mesebetsi Ha Tikoe. O bontša hore bohanka ba Banka ea Lefatše bo ile ba fana ka khothaletso ea hore khaho ea lifeme tsa Ha Tikoe e qalileng ka selemo sa 2021 e emisoe, 'me ho tsoeloepele ka ea lifeme tsa Ha Belo. O itse tiehiso ea khaho ea lifeme tsa Ha Belo e ipaketsoe ke bohlasoa ba bookameli ba nako eo, boo ha joale bo itokolotseng. Empa leha ho le joalo, a re ba ntse ba tl'o etsa lipatlisiso mabapi le lichelete tseo tsa sechaba.

MOLIMO A BOLOKE LESOTHO LE BASOTHO**Nthabeleng Seitlheko**

'Muso oa Lesotho o hlola bohanyetsi ka lipalo tse 41, ho tse 30, ha litho tse 2 li sa khetha, nakong ea ho khaola khang holim'a ho fetisa molao oa ho nyolela Basotho Lekhethe la Theko (VAT) ka 0.5%, 'me sehlomathiso seo sa 'muso ka Letona la Lichelete Dr. Retšelisitsoe Matlanyane, se fetisitsoe ka Lekhotleng la Sechaba, ka la 19 Tlhakubele monongoaha.

Se fetile le hoja bohanyetsi bo ne bo re 'muso o tliil'o thatafaletsa Basotho bophelo, ka le reng bophelo bo boima batho ba bangata ha ba sebetse.

E mong oa litho tsa bohanyetsi, Katleho Mabeleng, o supile hore Lekhethe la Theko le tl'o ba boima, haholo batho ba kojoana li mahetleng etsoe Basotho ba bangata ba sa fumane meputso e phelisang ba bang ba

sa sebetse. O re 'muso o hloka mohau ho mafutsana hobane taba ena e tl'o otlala ba bangata maling a mpa. Hape batho ba thatafalloa ke ho reka lijo.

H'a teka mabaka a ho pitla Basotho ka lekhetho, Matlanyane o itse chelete e tlang ho bokelloa, e tla khutlela ho Basotho ka tsela ea lintlafatso le ho matlafatso bophelo ba bona ba letsatsi ka leng, 'me a teha ka mohlala ka

bana ba tlang ho thusoa ho ea likolong, hore bacha ba theheloe mesebetsi, e thusa hore ba seng ba holile ba ekeletsoe litsieane tsa bona, ba nang le bokooa le ba bang har'a ba bangata.

O re ka lehlakoreng le leng, e tla thusoa ho kotala lekhalo le bakiloeng ke liqeto tsa President ea Amerika Donald Trump, tsa ho tima naha ena lithuso le tse ling.

Thapelo ea Basotho

'Mopi, Hlahlamacholo, Ramaseli, Rammoloki Atla li maroba, Atla li marotholi a pula, Atla li tsoeu tsa Rammoloki, Li tsoeu ke ho bopa masea, Hobane bohle re 'mopo le mosebetsi oa matsoho a ona. Hlahlamacholo hlahla metsi o'a etse keleli ea sehla sa Mariha, Hobane ka keleli u nchafatsa lichaba teng, Lichaba li tsoang ho uena 'mopong, Li tlang ho boela ho uena meahong. Ba meolimeololo, ba lumang lingope ho thehela. Ntšang tsoeu le nehe 'Mopi le tie le bone ha 'Mopi o thaba, Hobane Baholo-Balimo bona ba thabela likhalapa. Ba re ho be ho soeu, ho be malola, Ho be hele-hele pele le morao. Ho iloe kae ke Bo-ntate-moholo le Bo-nkhono ho sa keng ho khutloa, Ho iloe ha sekoti ha se tiale. 'Maakane joo! Ka 'Mopi ra le bona.

'Mopi oa Ramosholu-shololo litsohali Bo-nkhono ke bana ba labalabela matlala. Matlala b'a bona ka'ng a anetse, b'a bona ka ho theha mekhanya liphatleng tsa bona. Malataliana-tsela ngoana Rae e moholo ke mang, pitsana ha e na khobe, le e 'ngoe ha e na khobe. Qhaqholla u re qiti! Moshanyan'a sankatana le kholumo-lumo. Ho iloe kae ke bo-Mmabana, ba ile masimong.

Ba siile masea ka liotloaneng. Liotloana tseo ha li hole li sireletse masea. Ka bona Bo-ntate-moholo le Bo-nkhono ba lutse ka shoalane molong le litlohotloholoana tsa bona ba li etsetsa litsomo tse monate;

Bo-limo le Tselane ka ba ka utloa ha ba ba etsetsa lilothe tse monate; bo-mmenthele o hlotse baruti.

Leseli! Khanya!

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO

A LOKHISETSE MORENA SECHABA SE PHETHEHLENG (LUKE 1,17)

Editorial

Lesoetsa Rakubutu

(+266) 6203 1949 / 58490670

EMAIL: editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšelisio Thakholi

58 540 853/ 63 480 404

Production Desk: 'Mateele Liqa

O hlapa matsoho pontšeng

Nthabeleng Seitlheko

Mongoli e M o h o l o Lekaleng la Matla Tankiso Phapano, o hlapile matsoho pontšeng moo a neng a behile kapel'a 'moka oa bo-ralitaba litokomane tse amanang le kabo ea mosebetsi oa Ha Tikoe le maemo a khaho ea lifeme tsa Ha Belo, Butha-Buthe. Tsena li bile ka la 18 Tlhakubele monongoaha.

O hlalositse hore boh-lanka ba Banka ea Lefatše bo ile ba fana ka likhothaletsa mabapi le khaho ea lifeme tse Ha Belo tse bonahalang li sa fele ho tloha ka selemo sa 2021, tseo a fumaneng ho se ho se chelete e ntšetsang mosebetsi oo pele. O re bao ba ile ba supa likhothaletsong tsa bona hore khaho ea lifeme tsa Ha Tikoe e emise ba qetelise mosebetsi oa khaho ea lifeme tsa Ha Belo.

Phapano o re kaha eena a fihlile lekaleng leo ka 1 Pherekhong 2024, o fihlile a supisoa tsela ke bahlan-ka le ho sheba lintho tsohle tse etsoang ke lekala, o fumane tšebetso ea Ha Tikoe le Ha Belo 'me Ha Belo khahong ea eona e ne e abetsoe M86 Million e seng e fihletse M127 Million eo le eona e felileng.

O itse morero ke hore ba tlole matjato ho bona hore ba qetelisa khaho ea lifeme tsa Ha Belo nakong ea likhoeli tse tšeletseng. O re tiehiso ea khaho ea lifeme tsena e ipaketsoe ke tsamaiso e bohla khahong ea eona, 'me ka bomalimabe o fumane bookameli ba nako eo bo itokolotse, empa ba ntse ba tlo batla hore na chelete eo e feletse hokae.

H'a phethela o hlalositse hore mokonteraka ea neng a abetsoe mosebetsi oa khaho ea lifeme Ha Belo o qetile chelete mosebetsi o e-s'o fele.

Leloko Khutšoane ea ikarabellang litabeng tsa khokelo ea motlakase metseng, o hlalositse ha lekala la habo le sebetsa



ka matla ho bona hore le hokela Basotho motlakase metseng. O itse selemong sa lichelete ea 2023/24, ba ile ba abeloa chelete e kaalo ka M120Millione e le ea ho hokella sechaba motlakase metseng, 'me e felile, joale selemong sena sa lichelete lekala la habo le abetsoe M28 Million.

A re ba ikemiselitse ho sebetsa ka matla ka hoo morerong oa khokelo ea motlakase Rothe sechaba se tla fuaa motlakase ka khoeli ea Phupu monongoaha, 'me 10.2% ea sechaba sa Ha Belo e tla hokeloa motlakase, 40% ea sechaba sa Hohlolo e tla fuaa motlakase, 99% ea sechaba sa Thabana-Morena e tla fuaa motlakase, ha khokelo ea motlakase Lebakeng le Koro-koro e ntse e tsoelapele.

LEC e sesa kahar'a lefifi

Nthabeleng Seitlheko

Letona la Lihloli-loeng ebile e le ea tšoereng molepo e le Letona la Matla, Mohlomphehi Mohlomi Moleko, o re ba tl'o kena leetong la lipatlisiso mabapi le tšebeliso e mpe ea lichelete le bobolu kahar'a Kamphani ea Motlakase ea Lesotho (LEC). O boletse tsena, 'mokeng oa bo-ralitaba oa la 17 Tlhakubele monongoaha.

O re mosebetsi ona o hakanyetsoa nakong ea likhoeli tse tšeletseng, ha ho ntse ho behelletsoe bookameli ba LEC ka thoko ho mosebetsi, nakong ea lipatlisiso. A re baokameli bao e neng e le bahlahami ba bao, ba tla tsoa ba ntse ba etsa mosebetsi ho fihlela ho phethetsoe lipatlisiso.

O re LEC e selemong sa 10 joale e khasa kahar'a mathata a lichelete le ho sitoa ho reka motlakase ebile o rekoa ka chelete e holimo kantle ho naha empa ho se phaello e fihleloang ke khoebo ena. O re LEC e se e sitoa ho lefa mekitlane hoo 'muso o e

imollotseng ka M3Millione e tl'o reka motlakase.

A tsoelapele hore ba boetse ba tl'o sebeletsa ho bona hore batho bohle ba kolotang litšebeliso tsa LEC ba lefa motlakase, le litlaleho tsa eona tsa ts'ebeliso ea lichelete ke tse lefifi ha li na ponaletso



kaha ho sa hlake tsela ea tšebeliso ea lichelete tsa kamphani.

O supile a tšoenyehile ke tlaleho ea Mohlahlobi e Moholo oa Libuka e hlalolang ha tšebeliso ea lichelete ea kamphani eo e se na ponaletso le theko ea thepa ho sa hlake e sebetsahala joang. O re ba fihletse qeto ea ho etsa lipatlisiso tse tebileng eo har'a tse ling e neng e

khothaletsa ke bookameli bo beheletsoeng ka thoko ho mosebetsi.

A re 'muso o na le matla a ho bona hore litaba tsena li'a phethahala le khoebo ena ea loka kaha le oona o na le karolo eo o e bapalang kahar'a eona. A re ba hloka LEC e be le chelete ea ho aha motlakase o hokelang likhoebo, 'me e be khoebo e tsitsitseng litabeng tsa tsamaiso ea lichelete.

Moleko o re ketsahalong tsena, ha ho kamoo litšebeliso li ka amehang kaha ba setseng ba tla ba tsoelapele ka mosebetsi. Ke bookameli ba 10 ba beheletsoeng ka thoko ho mosebetsi.

Molula-Setulo oa Boto ea LEC Ntsie Nathaniel Maphathe o bontšitse hore liphuputso tsena li tla boela li thusa hore ho fanoe ka likhothaletsa tsa ho qaolla khoebo ena bothateng ba eona le hore ba tla fuma-noa ba le molato ba lokela ho latela methati efe.

A re ho fihlela hona joale ha ho e-s'o be le feme e khethiloeng ho tla etsa mosebetsi ona, ke hona ho tla ikeletsoa 'me ba tla fuaa mosebetsi ba tla tseba ho fana ka nako e nepahetseng bakeng sa liphuputso. Ho boetse ho tla mengoa Basotho ba boithatelo bo botle ho ntša maikutlo a bona le ho fana ka lintlha tseo ba ka ratang li sebetsoe kahar'a khoebo ena.



RE TŠEHETSA BACHA



hore na ke tla o reka ka'ng kaha ke ne ke se na chelete e lekaneng.

Ka bona hore ho boima ho reka mochini, empa ka lehlohonolo ka fumana mosebetsi ho le leng la mabenkele a maholo kahare ho naha, moo ke ileng ka sebetsa lilemo tse tharo, 'me ke qeta ho tlohela mosebetsi ka la 3 Tlhakubele monongoa-ha. Ke leboha baokameli ba lebenkele lena hobane ka monyetla oo ba ileng ba mpha ona ke ile ka qetella ke atlehile ho reka mochini oo ke neng ke o batla. Le sekolong ke ne ke itefella ka chelete ea ka. Molimo a ba atlehise hobane ke sena seo ke leng sona kajeno ka lebaka la bona.

Qaleho ea khoebo

Ka khoeli ea Pherekhong 2024 ke ha ke qala khoebo ea Lerato's Production ea ho loha lijese ka mochini o mocha ke se ke sebetsa le mocha a le mong le ho fihlela hajoale re ntse re tšoare ka thata haholo ho bona hore khoebo e'a hola. Re qalile re sebetsa le likolo tse peli empa selemong sena likolo li eketsehile, re boetse re na le likolo tse ling tse peli hape. Hona ke pontšo ea hore kholo e teng khoe-

bong ea rona. Ha re sebetsa le likolo feela le batho ka bo-mong le ba li batlang ka bongata ba il'o rekisa le bona re ba lohela lintho tsohle tseo ba li batlang tsa maemo a holimo ka litheko tse tlase haholo.

Toro ea ka

Ke lakatsa ho bona khoebo e holile ho feta mona, 'me re se re e-na le feme e etsang lijese ka mefuta ea tsona tsa bana ba likolo, e le feme ea bana ba Basotho. Rona ba seng ba qalile re kopa tšehetso ho mebuso ea habo rona, e le hore likhoebo tsa rona li tsebe ho hola le ho hlahisa mesebetsi mol-emong oa bacha ba bang.

Bacha

Lehlokoana la bophelo le thlooa liretseng. Ke ka ho sebetsa ka thata feela le ka fihlelang seo le se batlang bophelong ba lona. Nkang nako se potlakeleng ho ba maamong a holimo hoba tsena tsohle li'a sebeletsoa. E kholo ka ho fetisisa ke hore bacha ba heso, se ka khethang mesebetsi ho latela mangolo a lona hoba lea bona hona joale re leqemeng le leholo la tlhokahalo ea mesebetsi. Ikopanyeng ka litsebo tseo le nang le tsona ho iqalla mesebetsi.

Tšelis'o Thakholi

ha ke tla eelloa hore ke na le talenta ea ho loha eo nka tsebang ho iphelisa le ho phelisa bana bang b'eso ka eona.

Qaleho ea tšebetso

Ke qalile ho loha ka selemo sa 2015 ke loha ka koroche, 'me ke loha 'slippers' kapa li 'morning shoes' ka moo li tloetsoeng ho bitsoa ka teng. Ke ne ke li loha ke li rekisetsa bareki ho tsoa kantle ho naha, libakeng tse kang Johannesburg le Pretoria. Ke boetse ke li rekisetsa batho ka bo-mong. 'Maraka oo o ile oa emisoa ke seoa sa COVID-19. Ke se ke ntse ke le morerong oa ho boela ke o qala bocha. Ha ke ntse ke etsa boithuto le ho matlafatsa litsebo tsa ka ke mona moo ke ileng ka qala ho loha likatiba.

Kholo ea tšebetso

Ha khoebo e ntse e hola ka bona hore 'slippers' li rekoa ka linako tse itseng feela tsa selemo. Ka qala ho loha likatiba ka mefuta ea tsona. Ha kholo e ntse e ba teng ka bona hore ke hloka mochini o moholo ona o lohang lijese. Ka fumana hore mochini oo ke o batlang o litheko li

boima haholo, hape ha ke tsebe ho o sebelisa. Ka ea sekolong ho ea ithuta onae-mpa joale bothata ea eba

Lintho tse ntle li'a iketsetsoa 'me Lerato Moloantsoa oa Ha Thetsane, Maseru o netefatsa mantsoe ana ka ho etsa thepa ea boleng bo holimo ea lijese tsa batho ba baholo, tsa bana ba sekolo ka mefuta ea tsona le ho etsa lieta tsa 'slippers.' O rekisetsa lapeng habo Ha Thetsane le holong ea Kereke e Kholo ea Maria Mofumahali oa Tiholo moo teng a rekisang likatiba tse ntle tsa Kopano ea Bana ba Maria. Mocha enoa ea thehileng khoebo e bitsoang Lerato's Production o re phetela ka tsa tšebetso ea hae.

Ho loha ke talenta ea ka

Hantle taba ena ea ho loha ke e nyantse letsoeleng ho 'm'e oa ka kaha ke hotse lapeng a loha lijese le lintho ka mefuta ea tsona. Ke hona moo ke ileng ka nyanya masutsa hona teng. Che le hoja Morena Molimo a ile a 'miletsoa ho eena, 'me a re siea lefatšeng le ka koano. Empa ha ke tseke hobane o ntšihile le talenta ena e kholo ea bohlokoa bophelong ba ka. Ke hotse joalo ke rata ho loha ho fihlela ke ba ke kena Sekolong se Phahameng sa Cenez moo ke neng ke lohela barutoana ba bang likausi, eba ba mpha M10.00 e le tefo. Ke



Listen To Us Here





Mafeteng Mohale's Hoek Qach's Nek Quthing
 Maseru Berea Leribe
 Mokhotlong Thaba Tseka Butha Buthe

www.bokamoso974.co.za

Ntlo ea Mahosana e boea sekoele

Nthabeleng Seitlheko

Motsamaisi oa Lipuisano Ntlong ea Senate Mohlomphehi 'Mamona-heng Mokitimi, o butse ka molao phutheho ea botšelela kamor'a phomolo ea Matsatsi a Kerese-mese ka la 18 Tlhakubele monongoaha.

O re ba khutla phomolong naha e ntse e tobane le qholotso e kholo ea phetoho ea boemo ba leholimo, tlhokahalo ea metsi libakeng tse ling, komello le mochoso o holimo, tse tl'o bakela naha tlala ea boja-likata selemong sena.

A re ba ipiletsa ho Basotho ho sebelisa lipeo tse mamellang mongobo nakong ea komello, 'me a hore ho etsoe boithuto bo tebileng ba mahlale a ho nesa pula ka mekhoha ea morao-rao ea marang-rang.

O itse ba hoelehetsa 'muso ho tlola matjato ho bona hore ba koala sekheo se bakiloeng ke Naha ea Amerika ka ho hula lithuso tsa eona ho Lesotho le linaheng tse ling hore Basotho ba fuoe mesebetsi.

Ho sa le joalo litho tsa Ntlo ea Senate li ile tsa tšetšetha polelo ena, moo Morena oa Sehlooho oa Thaba-Bosiu Khoabane Theko a supileng hore litaba tsa phetoho ea boemo ba leholimo ke qholotso e hlokang naha e sebetsang ka mahlale ho hlola maemo ohle hore e atlehe ho hlahisa lijo.

O re Naha ea Lesotho joaloka linaha tse ling e lokela ho hlokomela hore litaba tsa phetoho ea leholimo ke qholotso e nang le litlamorao tse amang bophelo ba sechaba.

Ha Morena Peete Lesaoana Peete a itse phetoho ea boemo ba



Lipolao le tthekefetso ea basali

Nthabeleng Seitlheko

Setho sa Ntlo ea Senate 'Mabatang Mokhathali, o re lipolao tsa bana le basali li bonahala li sa ee moriting, ka hoo ho bohlokoa hore batho bohle ba ke ba kopane 'moho ho batla sesosa se tebileng sa liketsahalo tse sa jeseng litheohelang. O boletse tse, tulong ea Ntlo ea Senate, ka la 18 Tlhakubele monongoaha.

A re ntho e tsoenyang ke hore litho tsa tšireletso li anetse hohle, empa lipolao li bonahala li ntse li phahame. O re seo a ipotsang sona ke hore na mehleng ena ba fetletsoe ke mekhoha ea khohiso na, haeba batho ba se ba sa tsoafe ho selakha ba bang joaloka liphoofolo le ho bolaea ba bang letsatsi le chabile.

A tsoelapele hore seo a se hlokomelang ke hore bosieo ba Thuto-Molimo likolong bo baketse naha bothata, ka lebaka leo ekare e ka khutlisoa hobane bana ba hole ba e-na le tšabo.

A re leha Naha ea Lesotho e ka aha Makhotla, ha beoa metebo ea sepolesa hohle, ba ke ke ba hlola taba ena ntle le hore ba tle ka maoala a macha ao sechaba sohle se tla kenya letsoho ho hlola qholotso ena.

leholimo e bakile litlamorao le kahar'a metse e mengata kaha meea le lipula tse ngata li sia malapa lepala-paleng, 'me ke Basotho ba bangata

ba hlokang lehae ha joale ka hoo 'muso o imeloa ke litšenyehelo ke ho lithuso sechaba.

A re taba ena e lokela ho phamoleloa holimo ke mafapha a fapakaneng a tla thusa hore sechaba se atlehe ho iketsetsa le nakong tse thata.

Morena oa Sehlooho oa Leribe Joel Motšoenene o bontšitse hore Naha ea Lesotho e tobane le liqholotso tse ngata tse sa hloking babusi ba itebetseng ba sa hopole sechaba. O itse mafapha a fapakaneng a sechaba a kopanye lihlooho le baithuti ka litsebo tsa bona ho bona hore naha e fumanela mathata a teng tharollo.

O ipilelitse ho sechaba ho fumanela litaba tse naha tharollo, kaha botho bo tsoile kelellong ea ngoan'a Mosotho; sechaba sea feela, ha a bone lebaka la ho etsa lintho tse ntle sechaba se keketlisa meokho.

Ha Mofumahali 'Maphakiso Lebona, eo e leng setho sa ntlo a hlalositse hore beke le beke ba utloa litlaleho tse nyarosang tsa basali ba bolailoeng ke baratuo ba bona, bana ba hlekefelitsoeng ka motabo le batho

O re tšireletso le polokeho ea basali kahar'a naha e tlokotsing, hoo ba seng ba sa tsebe ba lokela ho etsa joang. O re monamoli ea matla ke makhotla, 'me h'a ka fana ka likahlolo tse boima haholo khahlanong le babolai ho tliša tšabo kahar'a sechaba.

Ho bohlokoa hore beili e ke e fanoe tlasa lipehelo tse boima tseo ho seng bonolo hore babolai ba li fihlele.

Ka lehlakoreng le leng, Morena Peete Lesaoana

sano Ntlong ea Senate Mohlomphehi 'Mamona-heng Mokotimi, o supile a tsoenyehile le ho tsitsipana ke tsela eo tthekefetso le lipolao tsa basali li atileng ka eona. O itse taba ena ea lipolao e khutlisetsa Naha ea Lesotho morao moo Morena Moshoeshe a neng a e tlose teng, nakong ea malimo ea lifaqane.

A re Litsi tsa Tšireletso li leka mekhoha eohle ho bona hore baetsi ba liketso ba nkeloa likhatho ka leba-



ba ipolaeloang feela. O re e le basali ba phela ka letsoalo hobane ba sitoa ho lokoloha ka hohle-hohle ho latela liqholotso tsa bophelo tse ba potileng morao tjena, tsa banna ba ba hlekefet-sang le ho ba amoha bophelo.

Peete, o supile a khathatsehile haholo ke banna ba iphetotseng likholumo-lumo ba metsa bophelo ba Basotho, ka hoo baetapele bohle ba sechaba ba ke ba emele litaba tse na ka maoto hore batho bohle ba sireletsehe.

Motsamaisi oa Lipui-

ka leo ho bohlokoa hore le rona re le sechaba re thusane 'moho le tsona ho thibela liketso tse mpe metseng ea rona. A re litaba tse na li beha motho e mong le e mong tsietsing le moruo oa naha, ka hoo bohle re nke boikarabello.

O tingoa litlhare

Nthabeleng Seitlheko

Mothehi oa Mokhatlo oa Basali ba phelang le Tsoaetso ea HIV/ AIDS, 'Mamoletsi Moletsi, o re ke khatikelo ea Litokelo tsa Mantlha tsa Botho ho se fe mokuli litlhare tsa bophelo bohle, leha e se tsona feela ho sa natsoe phoso e bang e etsahetse. O boletse tse-na, puisanong le Koranta ka la 19 Tlhakubele monongoaha.

O re ha se khatikelo feela ebile ke tlolo ea molao ho mooki ea etsang seo ka sebetse sohle, 'me ho bona-hala matsatsing ana besebeletsi Litsing tsa Bophelo bo ntse bo qepha ka hoo Lekala la Bophelo le lokela ho hopotsa baoki, lingaka le bathusi ba bona boikarabelo ba bona e leng ho boloka bophelo.



O supile hore baoki le lingaka ba hiriloe ke lekala ka morero oa ho phethahatsa mesebetsi eohle ea lona, ka hona moo ho

hatiketsoeng litokelo tsa motho ea lokelang ho fuoa litlhare ba tsoanetse ho phamolela taba eo holimo hobane sechaba se lokela

ho fumana besebeletsi bo hloekileng.

H'a phethela o itse ba fumane litaba tsa mosali ea sa fumanang besebeletsi bo botle ho se seng sa Litsi tsa Bophelo kahar'a naha, ka lebaka leo ba tl'o phamolela taba eo holimo ho fihlela eo a fuoe litsebeletso.

"Ha re ile litsing ha se mohau, ke tokelo ea rona ea ho fumana litsebeletso tseo re li lefelling ka khotso, ebile litsing e lokela ebe sebakeng seo motho a fuoang tshabollo ho sona ka mekhoa eohle, e seng a bakeloe khatello ea maikutlo." ke Moletsi eo.

Litaba tsena li latela hore Koranta e buisane le 'Mabalelene Pule ka mohala ka la 19 Tlhakubele monongoaha, a le seboko sa phomela ka besebeletsi bo bohla, boo a bo fumaneng ho se seng sa Litsi tsa Bophelo kahar'a naha, seo re nang le mabitso a sona. Eo o hlahositse hore o ile setsing moo a ne a fuoe letsatsi la ho bona ngaka hoa fumaneha hore bao ba fositse letsatsi leo a neng a lokela ho ea ka lona setsing sa bophelo.

O re ke moo ba ileng ba mo omanyana ha ba eelloa seo, ka le reng ba ke ba mo sebeletsa kaha a sa sebelise bukana a sebelisa buka e ngotseng litaba tsa hae, eo a neng a e sebelise

hobane ea neng a e-na le eona e tletse bao ba se na libukana setsing.

O re o mathile setsing seo joalo, a hobosoa kaha a nena ho sebeletsoa ke baoki ba fetang bohloano ka setsing seo ho sebeletsoang bakuli ba litlhare tsa bophelo bohle. A re ba ne ba tjekeletsana ka eena, e mong le e mong a bua seo a se ratang.

"Ke letsatsing la bohloano ke se na litlhare tsa bophelo bohle tseo 'na ke ipoleletseng ho li sebelisa ka makhethe ka nako empa ke tsoeroe matsoho ke baoki." A rialo.

O supile kaha a sebetsa lifemeng a bile a ntse a le mocha mosebetsing a ne a lokela ho khutlela mosebetsing, a ntse a se na litlhare hobane h'a ka lofa matsatsi a mangata o tla felloa ke mosebetsi 'me ho tla ba thata ho eena ho phelisa lelapa le ho sebelisa litlhare a phetse hantle haholo ho ja.

O phethetse ka o kopa namo le ho ipiletsa ho baoki ho fana ka litsebeletso tse mofuthu molemong oa bophelo ba sechaba eseng oa bona.

Ho sa le joalo, Mollala-Setulo ea Komiti ea Paramente ea Boiketlo ba Sechaba Makhalanyaane Mokhothu, o tsoetse ka mathe ketsahalo ena ka le reng tafoleng ea hae ba na le litlaleho tse 'maloa tsa batho ba sa fumanang besebeletsi bo botle litsing tsa 'muso tseo ba lefelling litsebeletso tsa tsona.

O re ba tsoere ka matla ho bona hore ho ba le melaona e boima e tla tlisa letsoalo ho baoki, hape le hore batho ba se thatafalloe ke ho tleleha litaba tsena. A re besebeletsi bo tsamaea le lerato 'me haeba motho a sa khone o lokela ho tlohela e seng ho hlokoletsa batho ba se nang molato.

O tšepisitse hore o tla bona hore mosali eo o fuoa litsebeletso tse mo lokelang, eseng baoki ba senye bophelo ba hae ka morero ha 'muso ona o ntse o rekela sechaba litlhare tsa bophelo bohle. A re bao ba lokela ho nka boikarabelo litabeng tsa ho se boloke bophelo ba sechaba kaha e le boikarabelo ba bona ho bona hore litsebeletso tsa bophelo li fumaneha ka hohle.



U se u ka fumana
Lifela Tsa Bakriste
ho marang-rang a
boletsoeng katlase.

"Get the Akello app on Play Store, App Store,
or Huawei App Gallery for Mazenod books
and more. Download now!"

<https://library.akello.co/downloads>





57396597

28 350 815

28 350 466

lesaoanat@gmail.com

sales@moeletsiobasotho.co.ls

Scan me

Vodacom e ntlafatsa likhoebo



ho nka maeto nako eohle ho nena har'a tse ling litaba tsa tlikefetso e etsetsoang sechaba.

Stephen Monyamane ho hlaha Lesotho Chamber of Commerce and Industry, o thoholelitse Vodacom ka mohato ona oa ntlafalo ea likhoebo. A re sena se tli' o thusa kholong ea moruo, ea sechaba le tlhahisong ea mesebetsi haholo ha naha e se e sebelisa marang-rang e le karolo ea bophelo.

tsa bo bona. A re hona ke monyetla o tli' o thusa hore khoebo e ntlafale mol-emong oa batho bohle.

Lemphane Lesoli ho hlaha Koporasing ea Ntlafatso ea Likhoebo tse Nyenyane (BEDCO), o supile ho le bohlokoa ho sireletsa likhoebo tse nyenyane kaha e le tsona mokokotlo oa moruo oa naha, hobane li kenya letsoho tlhahisong ea mesebetsi e leng qholotso e kholo e tobaneng

Tšebeliso ea ona Khiba Masiu, o bontšitse hore ka selemo sa 2035 ba ike-miselitse hore Lesotho la be le sebelisa marang-rang ka hohle-hohle le 'muso o ntlafalitse phano ea litšebeliso ka marang-rang. Ha ka selemo sa 2030 ba tla be ba kenya tšebetsong moralo oa khokelo oa ts'ebeliso ea marang-rang naha ka bophara mafapheng a 'muso.

Mamashiya Ntšepeng Tšita ho hlaha lenaneong

Nthabeleng Seitlheko

Kamphani ea Marang-rang ea Vodacom Lesotho e thakhotse mokhoa o mocha oa ho hokella likhoebo tse ntseng li thuthuha le tse mahareng, ka marang-rang a ba thusang ho tsebahatsa likhoebo tsa bona lefatšeng ka mokhoa o bobebe. Tsena li bile ka la 18 Tlhakubele monongoaha.

Mookameli oa Vodacom

Lesotho Mohale Ralebitso, o hlalositse hore ha ho ntlafatsoa likhoebo kapa kholo ea tsona ba lebala nyenyane, le hoja e le tsona tse phelisang batho ba bangata le ho koala sekheo sa tlhokahalo ea mesebetsi. A re ho hokella likhoebo tse joalo ka marang-rang ho tli' o thusa ho lintlafatsa, kholo le ho tsebahala ha tsona etsoe re phela nakong ea bophelo ba marang-rang.

O supile hore ba lokela ho bona hore ba bonesa naha ena ka khokelo ea marang-rang hore lefifi le fele batho ba nolofaloe ke



A re re phela nakong eo Basotho bohle ba khoebong ba lokelang ho ikamahanya le liphetohe tse thusang kholo ea khoebo haholo marang-rang kaha batho ba se ba rata ho fumana lintho-ha ba ntse ba le libakeng

le naha. o itse sena se tli' o thusa ntlafalong ea pokello ea lipalo-palo le hore likhoebo e ke ebe tse holang tse tsitsitseng.

Mookameli Lefapheng la Marang-rang Lekaleng la Likhokahanyo, Mahlale le

la CAFI, lekaleng la Khoebo o supile hore ba kenya letsoho ntlafalong ea likhoebo tsa basali le bacha kaha e le bona batho ba tlakotsing, ka hoo ba nke boikarabelo litabeng tsena molemong oa bophelo bo botle ba bona.

Tona-Kholo e Nyenyane e nehelana ka mpho ho e moholo

Nthabeleng Seitlheko

Ele mohato oa ho phahamisa boikemelo ba bana litabeng tsa boetapele, kholo le ntlafalo ea bona, Tona-Kholo e Nyenyane Mandla Malewa o nehelane ka Mpho



ho Tona-Kholo Samuel Ntsokoane Matelane, ka la 18 Tlhakubele monongoaha.

Malewa o ile a fa Tona-Kholo mpho e bontšang ho mo ananela ka setšoantšo se entsoeng ka bokhabane, se bontšang teboho. Ketso ena ha ea bontša feela tlhomphe ea hae empa e boitse e totobalitse le ho hola ha likamano lipakeng tsa baetapele ba babeli.

E le moetapele e mocha ea chesehang, Malewa o ile a nka monyetla ona ho fetisetsa litakaleto tse monate tsa letsatsi la tsoalo ho Tona-Kholo, a ananela boetapele ba hae le tlatsetso ea hae sechabeng. A re ke takatso ea hae ho bona sechaba sa Basotho se phela ka khotso le thabo ka linako tsohle.

Tona-Kholo Samuel Nt-

sokoane Matekane o lebohile mpho ena e khahlehang, eo a itseng ke ntho e kholo e ke keng ea tloha pelong ea hae. A re ho



bohlokoa ho bona batho bohle ba lekana le hona ho sebeletsa ba bang ho sa natsoe maemo a bona, 'me a khotaletsa Tona-Kholo e Nyenyane ho lula ka linako tsohle a etelletse litlhoko tsa sechaba pele.

O tsoeletse pele ka ho mo eletsa ho ikamahanya le lithuto tsa hae kaha e le tsona tse tlang ho mo thusa le hona ho mo nyollela holimo bophelong.


A mo hopotsa bohlokoa ba boikokobetso le lera-to ho sechaba, 'me a mo laea hore ka linako tsohle a thuse sechaba. "Rata batho, rata sechaba sa heno, rata naha ea heno." Ho rialo Tona-Kholo Matekane.

H'a phethela o ile a mo tisetisa hore o tla tsoelapele ho fana ka tataiso, a netefatsa hore o ithuta lintlha tsa bohlokoa tsa puso le boetapele. A bontša tšepo ho bokamoso ba moetapele e monyenyanane ea tla sebet-sa ka makhabane.



MOB KIDDS EDUTAINMENT

Puzzle MOB 93-4578



Across

- 2. Bopa lereho ka kutu-ketso (ngola), sehlopheng sa bosupa sa mareho. (7).
- 6. Lentsoe a qalang ka "mpsh" (6).
- 8. Likhomo tseo u bileng le tsona o sa li sebeletsa. "Likhomo tsa" (5).
- 11. Sebaka seo ho lengoang meroho se likalitsong ka lithupa. (10)
- 12. Mosali oa bobeli lenyalong (7).
- 13. Nama ea khomo e shoelatseng naheng (9).
- 14. Lentsoe la Sesotho le qalang ka "Lu..." (8).

Down


- 1. Mona,....., mane (lesupa) (4)
- 3. Letšoao la phoofolo. (6)
- 4. Ketso ea ho nyala basali ba fetang bonngoe (7).
- 5. Seaparo kapa mekhabiso e aparoang ha ho hobeloa (11).
- 7. Phofo e tsoakuoeng le metsi a fofo le tomoso. (6).
- 8. Lentsoe le leng le bolelang litšifa. (6).

9. Seletsoa se etsoang ka lenaka (9).

10. Papa e hlakolang leloala (9).

SOLUTION

MOB 93-4575





TSA KEREKE

Bophelo ba Mopapa bo tsitsitse

Tšeliso Thakholi

Boemo ba bophelo ba Mopapa Francis bo tlahleho bo ntse bo ntlafala letsatsi ka leng, kamora ho fokotsoa ha tšebeliso ea hae ea moea ka ho hema ka mechini ka la 17 Tlhakubele monongoha. Mopapa Francis e sa le a kena Sepetlele Gemelli, Rome ka Labohlano la la 14 Hlakola 2025, 'me o ntse a le tlhokomelong e matla ea lingaka.

hoa a ntse a itsoellapele ka e meng ea mesebetsi ea hae ea letsatsi ka leng, e kenyeletsang hara e meng phekolo ea 'mele le mosebetsi o moholo oa thapelo.

Ho sa le joalo, mehloli e kahare ea Ntlo ea Borena ba Buckingham e kuma hore ketelo ea semmuso Naheng ea Italy, e reriloeng ke Morena Charles III le Mofumahali Camilla ka la 7 ho isa la 10 'Mesa monongoha e ntse e tsoela pele. Sena se tlahleho se tsositse menyenyetsi ea hore Mopapa

pa Francis a ka 'na lokolloa sepetlele pele ho ketelo ea Khosi Charles III, le hoja Vatican e tlahleho e sa netefatsa litaba tsena.

Morero o moholo oa ketelo ea Khosi Charles III hara tse ling ke ho tla kopana le Rabalumeli, ho kopana le ba pusong Naheng ea Italy le ho keteka selemo sena sa Jubile ea Kereke e Katholike 'moho le balumeli ba Naha ea Italy.

-CNA-



Litlaleho li supa hore bophelo ba hae bo ntse bo khutlela setloaeling butle-butle le hoja e se ka matla a maholo, kaha lingaka li se li qalile ho fokotsa tšebeliso ea moea o kenang bosiu bakeng sa ho hema le tšebeliso ea 'oxygen' nakong ea motšea.

Litlaleho li bontša hore Mopapa Francis(88) leha bophelo ba hae bo bonahala bo tsitsitse, bothata bo bohola ba hae e ntse e le ho phefumoloha. Vatican e boetse ea netefatsa hore Rabalumeli h'a sa hloka moea o kenang ka mochini haholo-holo linakong tsa bosiu bakeng sa ho phefumoloha, empa o ile a tsoellapele ho sebelisa 'oxygen' a hema ka linko. Ho sa tsotellehe maemo a hae a bophelo, Rabalumeli o tlahle-

THAPELO EA JUBILEE



Ntate ea Maholimong

Ak'u etse rea u rapela hore tumelo eo u re fileng eona Ka Mor'a hau ebile e le ngoan'abo rona Jesu Kriste, 'moho le mollo oa lerato ka lipelong tsa rona Mollo o tlišoang ke khantšetso ea Moea o Halalelang li ke li tsosolose tšepo e lehlohonolo ea ho tla ha 'Musu ua hau. Mohau ua hau o ke o re fetole basebetsi ba mafolofolo tšimong ea hau, Basebetsi ba jalang peo ea molaetsa o molemo oa Evangeli.

E le hore peo eona eo, e hole ka botebo kahar'a batho bohle le kahar'a tlhohleho eohle, e fihlise ka ho phethahala tebello ea ho tla ha Leholimo le lecha Le Lefatše le lecha.

Moo kamor'a hore matla oohle a bobe a feliso, tlotla ea hau e tlang ho bonahatsoa e khanya kabosafeleng.

Ka mohau ua hau grasía ea Jubilee ena e ke e tsosolose kahar'a rona takatso Ea ho nka leeto la tšepo le taba-tabelo ea ho fihlela Letlotlo la Leholimo.

Hape mohau ona oo, o ke o atise o be o ngatfatse thabo le khotso tsa Mopholosi oa rona lefatšeng lohle.

Joale letlotlo le thoriso li ke li isoe ho uena Morena Molimo oa rona Ea Halalelang 'me ea Tlotlehang kamehla le mehla.

Amen.

2024-2025 SELEMO C

SONTAHA SA 3 SA KARISIMA

Exoda 3,1-8.13-15
Pesalema 102
1Ba-Bakorinthe 10:1-6.10-12
Luka 13:1-9

Khothatso

E ne e le baetsalibe ba fetang bohle?

Kajeno ha re shebeng sebe ka kotloloho, re utloisiseng hore na se hlahang joang mahlong a Morena joale re boele re tsebe hore re fuoe tsebo e lekaneng ho etsa khetho ea hore na re tsamaea litseleng tsa Hae tse Lokileng kapa re hana grasía ea hae holima bophelo ba sebe.

Ana ho na le ntho e bitsoang sebe se lokileng? Karabo ea potso ena e tla hlaha tlhalosong ea sebe; sebe ke tšito e khahlanong le Morena. Ke tlolo ea molao ho Morena, hobane e hanana le litsela tsa hae. Motho h'a etsa sebe o nka qeto ea ho etsa lintho ka tsela ea hae.

Evangeling Morena Jesu u bua ka sebe ka ho botsa potso; "Na le hopola hore Ba-Galilea bao, ba bileng ba bolaoa ka tsela ena, e bile baetsalibe ho feta Ba-Galilea ba bang bohle?" (Luka 13:2) Karabo ea hae ke, "Ha ho joalo, empa le lona ha le sa bake le tla timela ka mokhoa o joalo." (Luka 13:5) Ka mantsoe a mang sebe ke sebe, ha ho na se sehlo kapa se senyenyane, se lokileng le se sa lokang. Ha u siteloa Morena u'a mo siteloa!

Kriste o etsa papiso kamor'a ho hlalosa sebe 'me o e entse ho netefetsa ntlha ea sebe sa ho furalla litšoanelo tsa motho ho Morena Molimo. Papiso ena ke ea motho ea neng a lemme sefate sa feiga se neng se sa behe joale a rera ho se tlosa. Empa mohlokomeli a mo kopa ho mo fa nako ho se hlokomela, 'me kamor'a selemo haeba ho ntso tšoana ke hona a ka se remang.

Papisong ena Kriste o bua ka batho ba hanang ho phela tumelo ea bona ka mesebetsi, ba hana grasía ea Molimo Ntate 'moho le khalaletso ea Moea o Halalelang. Monga serapa ke Morena Jesu, 'me rona bakriste se tšoantša sefate sa feiga. Sefate ka seng se lebeletsoe ho beha tholoana e pakang mesebetsi le makhabane a matle ho thusa ho aha 'Mele oa Kriste. Mesebetsi ena e ka etsoa parishing kapa kantle ho eona, ba bang ba biletsoa ho ruta ka Sontaha Kerekeng (Katekisima) ha ba bang ba bontša ka mesebetsi e metle basebetsing 'moho le bona. Motho ka mong o arabela pitso ea hae.

Ana Morena Molimo o sebelisa Nako ea Karisima ho tšela grasía ea hae ho rona ka Jesu Kriste ho re tšoarela libe? Selemo see ke sa ho qetela sa bophelo ba rona? Etsae ho se ea tsebang nako le metsotso oo Molimo Ntate a tla 'miletso ho eena ho arabela liketso tsa hae. Ka tšepo le tumelo ea ho kopanngoa 'moho ka letsatsi le leng 'Musong oa Morena, ha re furalleng le ho sokoloha libeng tsa rona. Ha re itlhoekiseng libeng tsohle tseo re li etsang, hobane ha ho se sehlo kapa se senyenyane. Motho ka mong a shebe tsela eo a tsamaeang ka eona, a etse mesebetsi e thusang ba bang. Lipolelo le liketso tsa lona li ke li fapakane le tsa bahetene, e le hore ba tle ba sokoloha ka lebaka la tsona. Khutlisetsang linku tse lahlehleng, khutlisang tšepo e lahlehleng.

Bahalaleli har'a Beke

| | | |
|----|------------|---------|
| 24 | Tlhakubele | Caimin |
| 25 | Tlhakubele | Dismas |
| 26 | Tlhakubele | Govan |
| 27 | Tlhakubele | Amator |
| 28 | Tlhakubele | Priscus |
| 29 | Tlhakubele | Gladys |

Ba abeloa likhau

Tšeliso Thakholi

Mapala morao oa Sehlopha sa Bolo ea Maoto sa Bantu, Tšoanelo Koetle le mohlaba-lintlha ea kotsi oa

Matlama Jane Thabantšo ke ba bang ba libapali tse abetsoeng meputso e fapakaneng, ka lebaka la ho ipabola ka papali ea bona e tsoileng matsoho, litlholisanong tsa People's Cup tse bileng Mantšon-

yane Seterekeng sa Thaba-Tseka mafelong a beke a tsoa feta.

Moketjaneng o neng o tšoaretsoe Bambatha Tšita Sports Arena, Maseru ka la 18 Tlhakubele monongoaha, ba bang ba libapali


tse ikhapetseng meputso ke Monaheng Ramalefane ho hlaha sehlopheng sa Lijabatho ka ho ba sethibathibane se hloahloa 'me a ikhapela M2,000.00 le Limpho Ralesupi ho tsoa sehlopheng sa Majantja a

ikhapela M1,000.00.

'Mila Lebetsa le Thabo Lesoana ho hlaha sehlopheng sa Bantu bona ba kiba-kiba ka chelete e kaalo ka M1,000.00 sebakali ka seng, ha sebakali se hlabileng ntlha e ntle ka ho fetisisa lipapaling tse na e bile Jane Thabantšo ho hlaha sehlopheng sa Matlama, 'me a boela a ikhapela khau ea ho ba sebakali se hlomphehang haholo sa litlholisano tse na.

Haele Leluma Mofoka oa Matlama ea e-ba eena sethibathibane se hloahloa sa litlholisano tse na. Athe khau ea bahlaba-lintlha e ile ea hapuo ke libapali tse 'ne e leng Litšepe Marabe, Jane Thabantšo, Tšeliso Botsane le Poloko Letlatsa bao motho ka mong a ileng a atleha ho hlaba ntlha e le 'ngoe.

Bantu ke eona e hapileng Mohope ona ka ho o phamola ho Matlama, 'me eona ea fumana M500,000.00, bobel-ing ea e-ba Matlama ka M200,000.00, borarong le boneng ea e-ba Linare le Lijabatho ka tatellano 'me tsona tsa hlakoloe meokho ka M100,000.00 sehlopha ka seng. Athe haele tse ileng tsa tsoa mokhahlelong oa pele e leng Lioli, LMPS, Majantja le Lifofane li ile tsa khaketsoa M40,000.00 sehlopha ka seng.



Matsoai o khutlile

Tšeliso Thakholi

Mokoetlisi oa lithibathibane oa mehlang Sehlopheng sa Matlama, Monghali Shokhoe Matsoai o boetse o khutletse kahare ho sehlopha sa Matlama ho ba e mong oa bakoetlisi ba lithibathibane tsa sehlopha. Matsoai o qalile tšebetso ea hae nakong ea lipapali tsa People's Cup tse bileng mafelong ana a beke a tsoa feta.

Puisanong le Raliphatlalato oa Sehlopha sa Matlama, Themba Talane o boletse hore Matsoai o tlii'o sebetsoa 'moho le ea ntseng

a le teng e leng Daniel Jossie. "Ha ho na ea tebetsoeng ba tlii'o sebetsoa ba le babeli kaha ntate Daniel ka lebaka la mosebetsi oa hae o tla fumana ho e-na le mafelo a mang a beke a sa fumaneheng." O boletse joalo.

Are Matsoai o filoe mosebetsi ona ho fihlela selemo sa lipapali sa 2024/2025 se fihla pheletsong ka khoeli ea Motšeanong monongoaha, 'me o lebeletsoe ho sebetsoa 'moho ka mofuthu le bakoetlisi bohle ba Matlama tlasa liphelelo tsa hore a se hlole a etsa liphoso tseo a ileng a li etsa nakong ea ho feta, tse ileng tsa etsa hore a qetelle a arohane le sehlopha, "kaha re hloka litsebo le bosebetsi ba hae bo hloahloa."

Matsoai o fihla kahara sehlopha se ntse se le boemong ba pele kamor'a ho tsoa ka lesoba la nale ha se ne se sasara Mzamane ka thupa ea 1-0, ha papaling ea ho qetela pele se bakala lipapali tsa People's Cup se ile sa bakala ka seahlolo sa 2-2 le Ace Maseru. Hajoale se bapetse lipapali tse 19, sa hlola ho tse 14, sa balapa ka ho lekana ho tse tharo, 'me se na le lintlha-kholo tse 45. Ke sona feela le LMPS tse lahlehetsoeng ke lipapali tse peli Liking e Kholo.

Ho feta mona, lipapali tsa Liki e Kholo tse neng li lokele ho tla bakala mafelong a beke ea la 21 ho isa la 22 Tlhakubele monongoaha, li chechisitsoe ka lebaka la papali ea FIFA World Cup Qualifiers e lipakeng tsa

Likuena le Bafana Bafana Lebaleng la Polokwane,

Afrika Boroa ka la 21 Tlhakubele 2025.



Mosehle thupelong

Tšeliso Thakholi

Morupeli oa Baletsaphala oa Mokhatlo o Tsamaisang Bolo ea Maoto Lesotho (LeFA), Monghali Tšeliso Mosehle o emetse Naha ea Lesotho papaling ea

bolo ea maoto, thupelong ea barupeli ba bakoetlisi ba baletsaphala ba FIFA e tšoaretsong Motse-Moholo Addis Ababa, Ethiopia ka la 17 ho isa la 21 Tlhakubele 2025.

Thupelo ena e kenetsoeng ke barupeli ba tikoloho ea Afrika ba 27, e hlophisitsoe ke Mokhatlo oa Lefatše oa Bolo ea Maoto ea Basali. Har'a baletsaphala ba

bohlokoa ba keneng thupelo ena, ke Monghali Thomas Nunoo oa Naha ea Ghana eo e kileng ea e-ba moletsaphala oa nako e telele ea seng a le phomolong. Bo teng ba Nunoo thupelong ena bo tlahoa bo tliil'o thusa ho ntlafatsa maemo a baletsaphala ba Naha ea Ghana. Bo boetse bo totobatsa boitlamo ba Ghana ba ho matlafatsa maemo a



baletsaphala.

Ka boiphihlelo ba hae bo bohola tsamaisong ea bolo ea maoto, ho lebeletsoe hore h'a khutlela hae Ghana papali ea bolo ea maoto e ntlafale. Thupelo ena ea FIFA e tlahoa e akaretsa lintlha tsa bohlokoa tsa baletsaphala ba sejoale-joale, tse kenyeletsang hara tse ling maqiti a tsamaiso ea papali, ho hlahloba maemo a bolo ea matsoho le ho etsa liqeto maemong a boima a papali.

E boetse e tla fana ka tlhahlobo e tebileng ea mekhoha ea moraro-rao ea ho laola lipapali, ho netefatsa hore barupeli ba hlomelloa hantle ho koetlisa le ho ntšetsa pele moloko o tlang oa batsamaisi ba lipapali maemong a phahameng. Ho feta mona, ba bang ba teng thupelong ena ke baletsaphala ba tsamaisang lipapali tsa boemo ba machaba ba Naha ea Ethiopia e leng Beamlak Tesema le Temesgen Samuel.

Likuena e na le monyetla

Tšeliso Thakholi

Sehlopha sa Naha sa Bolo ea Maoto, Likuena seo hajoale se leng Mokhahlelong oa E lipapaling tsa ho phunyeletsa tsa ho ea Mohopeng oa Lefatše, se lebelletsoe ho loana ea selula-matsoapong ha se kopana le sa Bafana Bafana ea Afrika Boroa Lebaleng la Peter Mokaba, Polokwane ka Labohlano la la 21 Tlhakubele monongoaha papaling ea sona ea pele ea Mokhahlelo ona.

Papali ena e tliil'o ba nto e mahlo-mafubelu lipakeng tsa lihlopha tsena tse peli, kaha se seng le se seng se loanela ho iphumana se le kahare ho lihlopha tse hlano tsa Afrika tse tla bapala lipapaling tsa Mohope oa Lefatše tse tliil'o bapaloa isao. Hang kamorao ho papali ena ba tla palama nonyana-tšepe ho leba papaling ea bona ea bobeli khahlanong le Rwanda e tlang ho ba Lebaleng la Amahoro,

Kigali ka la 25 Tlhakubele 2025. Papali ena le eona ke e hlokolosi haholo kaha

lo oa hae ka lipapali tsena tsa ho phunyeletsa ho ea Mohopeng oa Lefatše, ke

a hlileng a e shebileng ka leihlo le nchocho ho tla ba fa monyetla ke ea Angola.

nyenyane e ntseng e hola papaling ea bolo ea maoto, re tliil'o etsa sohle se matleng a rona ho hapa papali ena ka seo re nang le sona." A re ba lekile ka hohle ho



Likuena e lokela ho e hapa. Ho ea ka Mokoetlisi oa Sehlopha sa Likuena, Leslie Notši ea seng a e-na le boiphihlelo ba lilemo tse fetang leshome a sebetisa lihlopheng tsa Naha ea Lesotho, morero o mohohlo

ho tla leka ho fa libapali tse bapalang Liki ea Lehae monyetla oa ho emela naha ea habo bona. "Kaha hajoale karolo e kholo ea bona e le eona e ntseng e ea boikoetlisong ba matsatsi a khethiloeng." O re papali eo

O re ba lebeletse papali e matla haholo ka Labohlano kaha sehlopha sa Bafana Bafana se bopiloe bocha ka libapali tse sebetsang hantle haholo lihlopheng tsa tsona tse fapakaneng. "Empa rona joaloka naha e

fana ka maqiti a bolo, kutloisiso le maqheka a macha ho libapali tsa habo, e le ho li ekeletsa mekhoha ea ho hlola papali ena. A qetella ka ho kopa tšehetso ho bohle e le hore ba tle ba tsebe ho hlola Bafana Bafana.

Be forgiving and kind to ourselves

Those of us who take a journey of introspection are always confronted by our imperfections. Some of which scare us so much that we wish never to go there again, our imperfections embarrass us so much that the next logical thing to do is



self-hate. However, helping self doesn't help us with growth, instead it serves as a double stress, the stress of our imperfections and self-hate. Every time and anytime things don't go according to plan in our lives the first thing that comes easy is self-blame followed by self-hate. If only we can realise that, that forgiveness we offer to people or are willing to give people we also de-hating self doesn't serve. We are aware that we can't change people but people are changed by the kindness, love and compassion offered to them, therefore, if we can offer ourselves those then we can also see the change we want in our lives. We can never hate ourselves into change, rather we can only harm ourselves by hating on ourselves.

SUBSCRIBE & BUY ONLINE!

Monongoaha re batla re qatsohile haholo ho tsa marang-rang. Fumana libuka tse na ho marang-rang a Akello Library

Prepare good People for The Lord

TIPS TO ACCESS

https://library.akello.co/downloads

SELEMO

LIFELA TSA BAKRISTE
MANTSOE

Ngoana Jesu oa Praque
Et ehang Mchaba

LINOVENA

Steps to Access our Books on Akello Online Library

1. **Visit Akello Library:** Go to (<https://www.akellolibrary.com/>) or download the app on the link provided above.
2. **Sign Up/Log In:** Register or log in with your account.
3. **Search:** Use the search bar to find "Mazenod Book Centre" or specific book titles.
4. **Select a Book:** Click on the desired book to view details.
5. **Borrow or Buy:** Borrow free books or purchase premium ones as needed.
6. **Read:** Access the book online or download it for offline reading.

For issues, contact Mazenod Book Centre

WhatsApp: (+266) 57396597